



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

**Gavanti, Bartolommeo**

**Antverpiæ, 1634**

De Commemorationibus, & Suffragij Sanctorum communibus. XVIII.

**urn:nbn:de:hbz:466:1-40244**

10 Totus dies Feriarum maiorum & Vigiliarum, si non sequatur Officium de Festo, humiliationis dies est: quare ad Vespertas dicuntur Preces feriales, licet Oratio non sit de Feria Quatuor Temporum, nec de Vigilia; quod accidere potest eo anno quo Festum sancti Matthiae occurrit in Feria quarta Cinerum, cuius gratia transfertur Officium in Feriam quintam Cinerum sequentem.

11 Quod attinet ad Confessionem, quae fit in Officio ad Primam, & Completorium; primò signum Crucis adhibetur ad y. Adiutorium, ut in Rub. de Prima 15 num. 2. sumpto ritu congruo ex Missali: nam per Crucem remissio facta est peccatorum. Confessio vero fit, ut quidquid in nocte vel die peccauimus, puniamus, Gemma lib. 2. cap. 64.

12 Quando quis recitat solus, omittere debet vobis fratres, &c. semelque recitans Confiteor, debet addere in plurali quae sequuntur, Misereatur nostri, peccatis nostris, perducat nos; sicut fit in Oratione Dominicana ita in Rubrica citata de Prima. Ex quo sequitur, quod recitantes duo Officium simul nihil debent mutare in textu Breuiarij; sed, qui maior est, dicat, vobis fratres, vos fratres; qui minor, tibi Pater, &c., te Pater, sicuti dicunt inuicem, Dominus vobiscum, Et cum spiritu tuo. Neque Moniales mutare debent in verba, Mater, Matrem, Sorores, sed eodem modo loqui nomine Ecclesiae ac si essent vires, ex Decreto sacrae Rituum Congregationis die decima octava Augusti 1629. alterna vero Confessio ne mundamur, inquit Hugo in Spec. capit. 3.

*De Commemorationibus, & Suffragijs Sanctorum communibus. CAP. XVIII.*

**R** Adulph. *Propos. 14.* appellat Memorias, quas hoc loco dicimus *Commemorationes communes*. Suffragia Sanctorum vocat Gemma lib. 3. cap. 45. ubi tradit, eadici in Dominicis & Festis Sanctorum. Meminit Micrologus cap. 44. & de Cruce nominatim cap. 30. de sancta Maria, & de Apostolis cap. 44. qui omnes sunt Patroni totius Ecclesiae, ait Duran. lib. 6. cap. 60.

2 Miror, cur de Cruce, à qua pendet nostra salus, nonnisi fiat in feriali Officio? An quia Festa excludunt omnium cruciatuum imaginem ac memoriam? An feriali dici conuenit labor, Crucis & patientiae meditatio? nam tempore Paschali fit de Cruce commemoratione, ad victoriam eiusdem Crucis recolendam, à qua Resurrexio ortum habuit; cuius Oratio Paschalis est Ambrosiana in Mediolanensi Missali in Feria sexta Parasceues. Micrologo non placet commemoratione de Cruce ab Epiphania ad Purificationem; ergo erat in vsu, ut hodie: minùs tamen rectè sentiebat ille.

3 De sancta Maria non fit, neque in propria Ecclesia, quando dicitur eiusdem Officium parvum in Choro; de quo nos *Sectione ultima*: nec quandocumque Officium de die fit de ea. neque enim de eodem fieri debet Officium & commemoratione simul. Qui vero priuatim recitat Officium B. Virginis parvum, debet iu Officio de die facere commemorationem de B. Virgine ac si illud non recitaret; nisi reciter ratione Chori. Nihil autem refert,

N si di-

si diuidatur Officium B. Virginis ab Officio diei, puta, quia illud vesperi, hoc manè recitetur in Choro; quia ibidem utrumque dicitur, & vnum in ordine ad aliud.

4 Non separatur Petrus à Paulo, nec in vita, nec in morte; nec in Festis, neque in hac communi commemoratione, ait Duran. lib. 5. cap. 2.

5 De Pace fit ultimo loco commemoratione; quia, qui pacem dedit, omnia bona uno verbo dedit, ait Glossa. & ultimum, quod expectamus à Deo, est pax æterna, pro qua oramus, obsecramus Deum per Dominum nostrum Iesum Christum.

6 De Patrono principali loci, & de Titulari Ecclesiæ hæc sunt notanda. Primo, cum esse Patronum loci, qui Maiorū auctoritate, & communi sensu populi recolitur ut Patronus: qua de re nos egimus suprà Sect. 3. c. 12. nn. 1. pag. 44. Titularis autem Ecclesiæ ille est, à quo denominatur Ecclesia.

7 Deinde, pro dignitate Patroni vel Titularis Ecclesiæ, ante vel post sanctam Mariam & Apostolos, vel inter eosdem facienda est commemoratione; hoc est, de Titulo Trinitatis, Spiritus sancti, Corporis Christi, ante sanctam Mariam: de Salvatoris Titulo non fit, quando de Cruce hat, quæ æquipollent. De Angelis, & de S. Ioanne Baptista, ante Apostolos, de Sanctis veteris Testamenti post Apostolos, licet in Litanij ordine temporis præcedant. De Sancto, Patrono loci, ante Titulariem Ecclesiæ, regulariter loquendo, nisi sit valde magna inter hos dignitatis distantia: quia in Rubricis præponitur Patronus Titulari, tit. 1. de Duplici num. 1. tit. 7. de Octauis num. 1. 3. 4. tit. 9. de Commemor. num. 3. tit. 35. de Commemor. communibus num. 1. & in

Tabellis septies; licet titulo 4. de Dominicis num. 1. & tit. 9. de Commemorationibus num. 11. præferatur Titularis Patrono, sed in his duobus locis non attenditur ordo ex professo, alioquin Dedicatio Ecclesiæ inferior esset Patrono, quæ post eum in tit. 4. nn. 1. reg. cœlatur. Patronas principalis Ordinis æquiparatur Patrono loci, ut suprà diximus in cap. de Patrono Sect. 3. cap. 11. nn. 24 pag. 49. Primum vero locu, ante quamcumque de Christo Domino commemorationem, ratione Tituli, in feriali Officio semper habet commemoratione de Cruce, ut expresse habetur tit. 35. nn. 1. in fine, quia Fætus indicium est; ultimū, commemoratione de Pace, ibidem. Quod si de Cruce, tamquam de Titulo Ecclesiæ, facienda commemoratione sufficit prædicta, quæ fit ante alias, ex Decr. S. Rit. Congreg. die 30. Marty 1621, & eodem modo sufficit commemoratione de S. Francisco apud eos Ordinis Minorum, quorum Ecclesiæ Titulus est sacrorum Stigmatum eiusdem.

8 Dices: Cur de Cruce primoloco fit, etiam ante S. Trinitatem, cùm unum in Rubr. Missalis de Commem. tit. 7. nn. 5. Votiu de Cruce cedat Votiu de Trinitate: Respondeo, in Missal ratione haberi dignitatibus Voriarum, in Officio rationem ferialitatis, quæ non habet congruum locum in medio Suffragiorum non semper ferialium, quippe quæ locum etiam habent in Semiduplicibus, indicium enim est Fe-  
riæ, ut dixi, commemoratione de Cruce.

9 Quæres adhuc, An in Ecclesiæ Omnia Sanctorum nomine dicata fieri debeat commemoratione de B. Virginie, & de Apostolis, & quo ordine. Respondeo, non esse omittenda Suffragia specialia pro generalibus, sicuti in

fra Octauam Omnim Sanctorum fit etiam de S. Carolo, SS. Vitale, & Agricola, & alijs. Deinde assigno locum commemorationis Tituli Omniū Sanctorum post Apostolos, vt fit in Officio paruo B. Virginis, Protege, &c. &c., Omnes Sancti iui, &c. neque incongruit de eodem bis fieri mentionem, semel aperte, semel latenter, vt docuimus Tomo 1. de Sexagesima pag. 235. n. 15. & præterea commemoratione Omnim Sanctorum eo casu potest intelligi de alijs omnibus non expressis inter Suffragia Sanctorum communia.

10 Oratio de Patrono, seu Titulari sumitur à die Festo eorumdem (non à Vigilia, neque à die Octaua, vt gratis quidam dicunt) mutato verbo Nativitatem, Natalitiam, vel aliud simile, in Commemorationē: quę si minus congruit, sumatur alia de Communi. In Collecta S. Leonis II. pro Commemorationis Festa, lege Commemorationem: in Collecta SS. Dionysij, & Sociorum, tace, hodierna die: in Collecta S. Apollinaris, tace hunc. Nec est incongruum dicere, presentem diem honorabilem in B. Ioannis commemoratione; neque, qui venerandam sanctamque latitudinem in B. Bartholomei commemoratione, & his similia: quia non enuntiantur falsa; & commemoratio Patroni, seu Titularis, est quasi reperitio Festi per annum. Adeo cū Suar. de Sacr. Missā q. 83. art. 2. disp. 80. scilicet 4. referri quādoque prætentia ad præterita: vnde circa meridiem celebrantes dicimus in prima Missa Natalis Domini, *Hanc noctem.*

11 Quæritur hoc loco: An, qui plures habet beneficiorum & Ecclesiastium Titulos, teneatur in Officio totidem commemorationes facere. Respondeo primò: Si Tituli sunt de eodem, puta de S. Maria, licet diuersa

sint Titulorum Festa, sufficit commemoratione communis, S. Maria, &c. & sic de alijs. Si Tituli diuersi sunt Sanctorum, poterit fieri altero ex duobus modis: vel distinguantur classēs Sanctorum in Apostolos, Martyres, Confessores, Virgines, ita vt unaquæque classis recolatur cum propria Antiphona, Versu, & Oratione, in qua iij nominentur, quorum Tituli sunt beneficiorum: vel de Maiorum licentia, formetur Antiphona cum suo Versu & Oratione, quæ conueniat omnibus; non exprimendo Titulos Martyrij, seu Virginitatis, & eiusmodi, ne fiat mendacium in Oratione. Habes exempla in Breuiario, in Festo SS. Nazarij, & Celsi, &c. in quorum Oratione non dicitur *Martyrum*, quia Innocentius, de quo ibidem, non fuit martyr, & in Festo SS. Alexandri, Eucatij, Theodoli & Iuuenalis idem fit, quia non fuit martyr Iuuenalis.

12 Atque omissio hæc multarum commemorationū facile lethalis erit, & sufficiens ad grauem materiam peccati mortalis constituendam, vt in similili probat Sanchez in Oper. mor. lib. 1. cap. 5. num. 16. imò & ad ratam restitutionis fructuum faciendæ teneri Beneficiarum in hoc casu, exp̄resse docet Bonac. disp. 1. quæst. 1. pun. 4. num. 28. sed rigorosa nimis est hæc doctrina.

13 Regulares autem debent facere commemorationem de eo Titulari, cuius Ecclesiæ sunt adscripti, & quamdiu sunt adscripti, etiam extra Chorūm: eadem enim est ratio ac in beneficiato; cum uterque alatur Ecclesiæ propriæ emolumentis.

14 Quid agendum erit in Officio Vigiliae Patroni, seu Titularis Eccle-

N 2. siæ,

100 Comm in Rubr. Breuiarij. Sect.V. Cap.XVIII.

sæ , qui Vigiliam habet in Breuiario? An in Laudibus cum alijs Suffragijs facienda erit de more commemoratione Patroni , seu Titularis ? omittendam puto in hoc casu, sumpto argumento à simili allato supra n. 3. de Officio sanctæ Mariæ , quod excludit communem hanc commemorationem de eadem; ne scilicet de eodem bis fiat in eadem parte Officij. Eadem ratio militat in Semiduplici Festo Inventionis , Translationis , & similium, illius , qui Patronus est loci , seu Titularis Ecclesie.

15 Cedunt hæ communes commemorationes commemorationi Festi Simplicis eo die occurrentis ; quia Festi commemoratio priuilegiata est titulo festivo supra communem aliorum cōmemorationem: ideoque communes dictæ fuerunt , ut cedant priori locum festiuis.

16 Fiunt igitur ad recolenda Sanctorum merita , & ad impetrandum sœpius eorum patrocinium , Duran. lib. 6. cap. 60.

17 Omittuntur autem initio Adventus , ex Microlo. loco cit. ut in Adventu Principis cedant serui , Duran. lib. 6. cap. 2. item tempore Passionis , ut vni Christo crucifixo vacemus , idem lib. 6. cap. 60. & usque ad Octauam Pentecostes , ibidem . tum in Duplicibus , & infra Octauas , ea ratione , qua in Festis maioribus excludimus Sanctorum Simplicium commemorationes , ad maiorem tum temporis Paschalis tum Festorum celebritatem. Item in Dominicis priuilegiatis , in quibus de die Octaua occurrente fit tantum commemoratio , ex Ruiz in suo Ceremonial. Rom. ratione Octauæ.

18 Pius V. mutauit Antiphonam pro suffragio beatæ Virginis in ple-

niorem , quæ est sancti Augustini Sermonem 18. de Sanctis , nimirum , *Sanctæ Maria* , *succurre misèris* , &c.

De Hymno Te Deum.

C A P. X I X.

1 **H** Ymnus *Te Deum* à SS. Ambrosio & Augustino compo- situs fuisse dicitur , quando S. Augustinus baptizatus fuit , anno 388. vt scribit S. Dacius Episc. Mediolanen. lib. 1. cap. 10. *Chronici* , quod tamen Chronicum non est Dacianum , si eruditioribus est credendum Mediolanensibus ; qui etiam melius censem , totum Hymnum vni Ambroso deberi , cum ille Dialogismo careat. In Breuiario M. S. Collegij Aniciani de Urbe antiquissimo legi pro titulo , *Hymnus S. Abundij* : de quo peritos consuli , qui tamen adhuc ignorant , quis ille possit esse. Gelasius autem decantari decreuit , ex Benzon. in *Magnif. lib. 1. cap. 19.* & S. Benedictus in *Regula cantari iussit post tertium Nocturnum* , quo significanter tempus gratiae , quasi Christum hoc tempore inuenierimus , exclamamus , *Te Deum laudamus* ; ut meditatur Hugo lib. 1. de *Offic. cap. 9.*

2 Dicebatur Romæ in Festis Pontificum tantum tempore Amalarij , ut ipse scribit in *Prologo de Ordine Antiph. in Dominicis & Festis nouem Lectionum* , ait Micrologus cap. 46.

3 Non in profestis dicendum est , ait Innoc. III. de Celeb. Miss. cap. Consilium . quod explicat Radulph. Prof. 13. etiam de Festis Simplicibus & Propositione 16. probat , quod non deberet dici , neque etiam tempore Paschali , neque infra Octauas. Ex quo infero , tunc temporis *Ciam in his diebus*